

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. I. Quid sit Benignitas.

[urn:nbn:de:hbz:466:1-46817](#)

CAPVT PRIMVM.

Quid sit Benignitas.

DI X I M V S suprà , triplicem in Deo & natura rationali bonitatem spectari posse, tribusq; modis Deum dici bonum. Primo , Ratione perfectionis naturæ. Secundo , Ratione sanctitatis. Tertio , Ratione beneficentia , qua bonitas dici potest benignitas. de hac modò dicendum.

Hæc oritur p̄ima bonitate, nimurum ex perfectione naturæ. Ex eo enim quod res sit perfecta in sua entitate , propendet ad sui communionem , sicut vas perfectè plenum ad effusionem sui liquoris. Est autem duplex sc̄ communio ; altera naturalis , altera libera. Illa est omnino plena , haec diminuta : in illa communicatur natura , & constitutur æquale ; in hac solùm aliquod naturæ imitamen, adumbratio, vestigium . Itaque cùm diuina essentia sit infinitæ perfectionis & excellentiæ , propendet naturaliter & int̄ ad communionem sui infinitam , sicut res inferiores propendunt ad procreationem sui similis & æqualis. Verum quia id quod omnino infinitum est , multiplicari non potest , idcirco diuina essentia non se communicat productione essentiæ similis numero distinctæ , sicut res creatæ faciunt (in quibus essentia quæ est in hoc supposito , producit essentiam numero distinctam in alio) sed largitione sui ipsius , & veluti replicatione , ita ut eadem numero simplicissima natura sit in tribus distinctis numero hypostabis. Hæc tamen communicatio cùm sit naturalis , propensio ad hanc non dicitur benignitas , sed fecunditas ; & ipsa communio non est beneficentia , sed naturalis productio personæ , & communicatio naturæ. Benignitas enim respicit communicationem liberam ad inferiora deludentem. Oritur quidem ex infinita & superplenissima Dei bonitate seu perfectione , sicut & fecunditas , estque Deo naturalis , actus tamen ipsius sunt liberi. Est igitur benignitas Dei (quæ ἀγενής apud Grecos dicitur) naturalis propensio ad communicandum se inferioribus seu creaturis , pro captu cuiusque. Ex hac prouenit primo & immediatè amor erga creaturas , quo vult illis suorum bonorum communionem ; sed maximè erga creaturam rationalem , quæ sola Diuinitatis per intellectum & voluntatem

tem est capax. Deus autem potissimum suam Diuinitatem communicare intendit, & in eum finem naturam Angelicam & humanam condidit, ac gratiae sue donis exornauit. Cetera omnia ob natura humanam, quæ infinitis adminiculis egebat, fabricatus est.

<sup>2. Petri 1,4
Ioan. 17,3.
23,24.</sup>

C A P V T II.

Quinam effectus amoris diuini, & quis modus operandi.

4 Ex amore diuino omne bonum creatum profluxit, & vi eiusdem omnia in Deum reducuntur. Sicuti enim amor ex bonitate diuina procedens descendit & exundat ad creaturas, ita rursus easdem ad diuinam bonitatem conuertit, vt ibi aeternum quiescant vnde profluxerunt, vt pulchre docet Dionysius De diuinis nominibus cap. 4. p. 1. vbi dicit, *amorem diuinum esse vim motricem & sursum trahentem in Deum, qui solus est ipsum per se pulchrum & bonum.* Item *esse manifestationem Dei per seipsum, & benignum processum eximie illius unionis, & amatoriam motionem simplicem, per se mobilem, per se innatam, præexistentem in bono, & ex bono in ea quæ sunt exuberantem, & rursum in bonum reuertentem.* quæ verba nobis breuiter exponenda.

5 Primo, Dicit esse *vim motricem*, tum quia Deum mouet ut descendat ad creaturas, eisque sua bona communicet, tum quia ipsas res creatas sursum trahit in Deum. Vnde amor dicitur *caritas*, id est, *efficiens extasim*; quia amantem transfert a seipso in amatum, nempe Deum in creaturam, & creaturam in Deum. Verum etsi Deum moueat ad creaturas, non tamen ipsum sinit in creatis rebus quiescere, sed ab illis retrahit eum vna cum creatis in seipsum. Nam totum bonum quod confert rebus creatis, statim reflexit, & refert ad seipsum, qui est ipsum per se bonum & pulchrum, quod omnia ad se allicit, & potentissime trahit.

6 Secundo, Dicit esse *manifestationem Dei per seipsum*, quia cum Deus lucem habitet inaccessibilem, ita & nudi creaturæ per se possit esse manifestus, per amorem egreditur extra se, & sic manifestatur creaturis. Amor enim mouet Deum ad quinque modos Egressus. Primo, Ad egressum *per creationem*, qua non solum rebus creatis illustre vestigium sua potentia, sapientia & bonitatis imprimit, sed etiam naturæ rationali Angelicæ & humanæ vultus sui imaginem inserit. absque hoc egressu maneret proflus igno-

O 2. tus